



## 28. ՀՈՒՍԵՓ ԲԵՎ ԵՎ ՉԻՉԱԿ (ԾԱՂԻԿ)

### ԽԱՆՈՒՄ

Ժամանակաց մեկին Հարճեշու մեջ Ջիլանաձոր մե մարդմ կէղի:

Էդ մարդ հէլավ առավ ուր բեռ, գնաց սարի միջու ջաղաջ աղալու. հալա ջաղջի մոտ չը խասեր էր, ջաղջական դուս հէլավ, չվան եզնից պրծուց, բեռն խուրճու պես թալեց ուր շալակ, տարավ ներս:

Էդ մարդ որ էդ բան տեսավ, շատ վախեցավ, ասեց. «Վալա, էսիկ ինձ էլ կսպանա, բեռն էլ կուտա. եզն էլ խետ. ապա ի՞նչ էնիմ, Աստված, որ էնպես ա, ես պտի փախիմ»:

Ջաղջական բեռան բերանը քակեց. ցորեն լցեց օղունի մեջ, իրիշկեց տեսավ օր բեռան տեր չէկավ, որ էն մարդ կը փախի, բռնաց. - Տո աղբե՛ր, մի՛ փախի, արի՛, արի՛:

Էն մարդն էլ ասաց. - Տո վալլա, ես քո դուվաթ տեսա, քեզնե վախեցա, դու քու Աստված, բեռն էլ քեզի, եզն էլ քեզի, ինձի բան մ'ասեր, ես թողեմ էրթամ:

- Մի՛ վախենար, - ասաց ջաղջական, - ես մարդ սպանող չեմ, մեկ էլ խարամ ուտող չեմ:

Էն մարդ էլ չը վախեցավ. խավատաց, էկավ մտավ ջաղաջ:

Չուրի էկավ, բեռան կես հիջեր էր. ջաղջական ասեց. - Աղբե՛ր, կոտ բեր, իմ հախ ալուր առնենք, էնենք կլոճ, ես էլ ուտեմ, դուն էլ կեր:

Ջաղջական կուռիկն առավ՝ չափեց. տաս կուռիկն առավ, տաս բախշեց: Ապա բեռան տիրոջ հողորկեց ցախի, ինքն էլ կլոճ շիքեց: Ցախ որ

էկավ, թոնիր վառեց. կլոճ զարկեց թորվան կող. էփավ: Նոր էկան մստան, հիրարու խետ կերան:

Բեռան տեր էլ սիրտանդավ, չը վախեցավ. առավ զրուցել խետ ջաղջպնին. - Աղբե՛ր, - ասաց, - քեզի բանմ ասեմ. էս քո դուվաթ որ քո վրեն ա, հորի՞ մացեր ես էսա սարի մեջ, էղեր ես ջաղջպան. քեզի պետք ա, որ յան Շահի հառեջ, յան Մուլթանի հառեջ, յան Ուռուսու թագավորի հառեջ էղնիս փայլան. ուտածդ, խմածդ շաքար, շաքարլամա էղնի, խագածդ էլ չուխա խապուտ էղնի, հորի՞ ես մացե էսա թոզերու մեջ:

- Յե՛յ, ախմախ մա՛րդ, - ասեց ջաղջպան, - հորի՞, իմ դուվաթն ա շատ, թե Շահին. ես իմ դուվաթ հմեն աղքտներուն ցովի, մեկ էսա ջաղաջ խերաթլամա իմ շիքե, ի՛նչ մարդու որ ցորեն աղամ, ցորենի հախ կես կը բախշեմ, կես կամենեմ կուտեմ, չուր իմ հոր մեռնելուն. իմ դարտն էլ շատ ա, իմ դարտից վազն արե:

- Դու քո Աստված. քո դարտն ի՞նչ ա, - խարցուց բեռան տեր:

- Ըսկի մի խարցուր, քեզնե ըռճու կենեմ, ընծեն վազն արե:

- Չէ, - ասաց բեռան տեր, - չէղիր, պտի ընծի խըսա էնես:

- Յե՛յ, մա՛րդ, - ասեց ջաղջպան, - որ էնպես ա, կասեմ. դե, անկաճ էրա:

Հայոց ջոջվորութենի վաղթին, ես էլ մի ջոջվոր ի, իմ անուն Հուսեփ բեկ էր. իրեք խագիա իմ ձեռն էր, մեկ Հարծկեն, մեկ Բերկրի, մեկն էլ Հարճեջ: Իմ խեր էնոնց ջոջն էր. եղավ որ խերս մեռավ, էն մեծավոր մարդեր ժողովան, էկան, ընծի դրին իմ խոր տեղ: Ես հալա տըսվիրեք տարեկան ի. ես էղոնց ջոջվորութեն էնպես կենի, որ մեկ մախուլ հալա իմ պես ըսկի չէրեր էր: Ութ տարի ջոջվորութեն էրեցի. ես հալա ազապ ի: Եղ իրեք խագեսներու մեջ մեկ խատ հըմալ աղջիկ չըկեր, որ իմ աչք ինկեր ինոր, որ ես առնի: Ես էղա քսան ու մեկ տարեկան: Մնաց որ ամռան մեջ, ամսու մեկին, գիշեր մենք քնուկ ինք, աղոթրնի մեջ իմ մեծավորներ հմեն էկած ու լցված ին իմ դիվանխանեն: Ընծի իմացում տվին, ըսին. «Հելիր, տնավե՛ր չէղած, էնքա՛մ տուն էկեր, լցվեր, մեր յայլեն դրեր ա. չենք գիտեր, դոսթ ա, դուշման ա, ի՛նչ ա»:

Ես էլ քնուց հէլա վեր, չորս ծիավոր հողորկի, գնաց որ ընծիկ պատասխան բերեն՝ տեսնամք ինչ մարդ են: Գացին ծիավորտանք պտոտացին, ջուապ բերին, ասեցին. «Հուսեփ բեկ, դու սաղ մնաս, էսա գալած մարդեր դուշման չեն, բարեկամ մարդ են: Մեզի ասեցին, որ դուք գացեք, մենք կուգանք Հուսեփ բեկին տեսութենի: Մեզի պատիվ տվին, կերցուցին, խմցուցին, մենք էլ հէլանք, թորկեցինք էկանք»:

Հէլա եղ մարդերու պատրաստութեն տեսա, դայվից, շաքրից, բրնձից, վերու մսից: Հալա սահաթմ չէր թամըմեր, տեսա որ խարիր ծիավորով, ըռախթ ու ըռըշմով, էդոնց ջոջվորն էլ խետ էդոնց՝ էկան: Հալա չէկած ին չատրի մոտ, մարդեր խազրվան, գացին էդոնց ծիաներու գլխներ բռնեցին, ուրենք էլ հէլան, էկան իմ չատրի մեջ, ձեռ ձեռաց տվեցինք, բարևանք մտանք:

Էն մարդերուն ասեցի. - Բարով եք էկե, աղբրտի՛ք, խազար բարով, դու հո՛ւստեն եք, ո՞ր տեղեն կուգաք, դո՞ր պտի էրթաք:

Էդոնց ջոջվոր վերուց, ընծի ասեց. - Դու սաղ մնաս, Հուսեփ բեկ, վերև Աստված, մերքև քե եմք էկե, որ մեզի պախես, տեսնենք Աստված ինչ պտի էնա մեր ու Հաբեշին:

- Հաբեշն ի՞նչ ա արե ձեզի, որ փախեր եք, էկեր եք, - խարցուցի:

Վերուց էդոնց մեծվորն ասեց. - Ես Արապու իշխան եմ, էսա չորս տարի ա, Հաբաշստան խըտ ընծիկ կռիվ ա. չը կարցա, որ էնոր հառեջ կայնի. շատ մարդերս սպանեց, շատ մարդեր կոռնափոխ արեց, շատ մարդեր սրե անցուց, մենք էլ փախանք, էկանք. որտեղ էկանք, էրկոներ մեղ ին, տեղ չկեր, մեզի ասեցին թի՛ Հուսեփ բեկի էրկոներ լեն ու հարցակ ա, գացեք, թե էնի ձեզի պախպանա, չէ ուրիշ մարդ չի կանար պախեր. մնաց որ վերև Աստված, մերքև քե եմք էկեր, որ մեզի պախպանես, չուրի տեսնանք՝ Աստված ինչ կենա:

Ես էլ ասի. - Բարով եք էկեր, վըր իմ գլխուն, վըր իմ էրեսին, քյանի տարի որ ուզեք, ձեզի կը պախպանեմ:

Կերանք, խմանք չուր հիրիկուն. ապա իմ մոտեն իգին առան որ հէլնին էրթան:

Հէլան գացին: Արապու իշխան ընծեն խոսք առավ, որ վաղն էլ ես էրթամ էնոր դոնախ:

Էնոնք որ գացին, իմ ջոջավորներուն բերի, թամբխեցի. - Տեն, ձեզի կասեմ, էդ մարդ իմալ յուր իշխանավոր մարդերով էկավ ընծիկ դոնախ, դու էլ էնպես իշխանավոր մարդերով խազըրվեք, էրթանք էն մարդու դոնախ:

Հէլա առավոտուն, թե էնի խարիր ծիավորով էկավ, ես էրկու խարըրով, ըռախտ ու ըռըշմով, հէլա գացի էն մարդու դոնախ: Մի ասեր, էդոր մեկ ազապ աղջիկ կէր, անուն Զիչակ խանըմ:

Արապու իշխան կիմանա, որ ես ազապ ի, թամբախ կենա, ուր աղջկան, որ հեբոր ես էրթամ, հէլնի իմ հառեջ, իմ ծիու գլոխ բռնա:

Մնաց որ մենք գացինք չատրի հառեջ. աղջիկն էկավ ծիու գլոխ բռնեց. իմ աչք որ դիպավ աղջկան, ես գիցա իմ սիրտ ճղեցին, էն աղջիկ

դրին մեջ, աչքերս պաղավ, ջանս թուլցավ, դուրսում էլ չը մնաց իմ չոքեր, չը կարցա ծիուց հիջեր ի, աչքս մնաց աղջկա աչքեր: Ես քսան ու մեկ տարի որ մեկ էնպես բան չէղեր էր իմ էրկրի մեջ, իմ աչք հընկեր էնոր:

Ինչ գլոխ ցավցուցեմ, մեկ խազար դուպարով ծիուց հիջա, Զիչակ խանըմըմ էլ իմ ծին տարավ, կապեց:

Ես գացի Արապու իշխանի չատրի մեջ, ձեռ ձեռաց տվեցինք, բարևանք, նստանք:

Էդ Զիչակ-խանըմ էկավ մեր հառեջ, խզմաթ էրեց, չուրի մենք էկանք: Ապա ի՞նչ կասես, որ իմ ուտած-խմած խարամ էղավ Զիչակ-խանըմի հապով:

Հալա չը խասեր ի տուն, չորս ծիավոր էն սըհաթուն էլչի հողորկեցի Արապու իշխանի մոտ, թի կը խնդրեմ որ բարեկամութեն դնենք հիրա մեջ:

Արապու իշխան խոսք տվեց, էլչիք դարձան էկան:

Առավտուն հէլա պատրաստութեն տեսա, չորս բեռ շնքյնար բառցի, տաս բեռ էրադ, գինի, խարիր խատ ըստերջ օխչար, հիթսուն բեռ ալուր հողորկի, տարան թասլիմ արեցին Արապու իշխանին, թի հեսօր չէ, վաղ կուզանք, նշան տվեք էնենք:

Էն մեկել օր առավոտուն հէլա առա, տաս ձեռք դումբ ու գումնա, խինք խարիր ծիավորով գացինք նշանտվեք. թվանկ կրակելով, փշտով դարտկելով, էնպես որ կասեր թե օրդու յա՝ էկավ: Էդոնք հէլան, մեր ծիաներ բռնեցին, խուրեր ցրվեցին, հապա ժողվանք, էկանք Արապու իշխանի չատր, էն տեղ կերանք, խմեցինք, չուրի իրեք օր ուրախութեն արեցինք:

Ապա իմ իշխաններ վերցին, Արապու իշխանին ասին. - Թի քո աղջկա դալանն ի՞նչ ա. ասա որ շուտով հողորկենք գա, մեր խարսն էլ շուտով տանենք:

Արապու իշխան էլ վերցուց, ասաց. - Մեկ աղջիկ ա, ես դուրպան արի իմ Զուսեփ բեկին, հինք, ուր մարդութեն:

Հէլանք հմենովս իզին առանք, էկանք տուն, համա ի՞նչ էնեմ որ Զիչակ-խանըմի սեր ծի վառեց, ժողվեցի իմ իշխաններ, ասեցի. - Դու գիտեք, որ իմ տուն կնիկ չկա, իմ մերն էլ պառավ ա. շուտ էրեք, որ Զիչակ-խանըմ բերինք:

Իշխաններն ասեցին. - Զուսեփ բեկ, դալան ի՞նչ կուտաս, առնենք էրթանք, որ խարս բերենք:

Ես էլ հէլա տվի խարիր հոկըճ, հիսուն խատ որձ ծի, խազար խատ դեղին օսկի, խարիր խատ չուխա-չարքյնզի, էրկու խարիր թուփ դութնի, էրկու խարիր էլ քիրման-շալ տվի: Էդ մարդեր առան գացին, տարան

թասլիմ արեցին Արապու իշխանին, էն էլ ուրախութենով վերցեց դալան: Իրեք օր մնաց, խարսնըսի թատարուք տեսանք, գացինք բերինք. յոթն օր, յոթն գիշեր, յոթ ցերեկ խարսնիս էրի, դումբ ու զումնա զարկի, կերանք, խմանք, ուրախութեն էրեցինք:

Մնաց օր վեց տարի պախպանեցի էդ Արապու էլ մեր էրկրներու մեջ. վեց տարուց սորա՝ Թուրքման գոռեց Շահ-Յազկերտին, ես էլ Շահ-Յազկերտու ջոջվորի մեկն ի. թուղթ գրեց Յազկերտ ընծի թե. «Ի՞նչ կանես, Յուսեփ բեկ, Թուրքման իմ էրկրներ քանդեց, ավերեց, քիչ մնաց որ իմ թախտն էլ ընծեն ամնի, ի՞նչ կենես, քո բախտն եմ, ընծի իմդատ խասիր»: Ես էլ հէլա, ինչ դդար ասքյար կեր, առա գացի էնոր հիմդատ: Չիչակ խանըմն էլ էկան խոր տուն տարան դարձ: Ես որ գացի կռիվ, հըլա չը խասեր ի, Թուրքման կոտրեցի, Շահի խողից խանեցի, քսան ու չորս զեղ ու քաղաք էլ Թուրքմանից առա: Վեց ամսուց սորա հետ դարձանք, էն էր, ծուն դրեց, ապա դարձանք: Էկանք Շահի մոտ. Շահ շատ ընդունեց, հազ էրեց, շատ ուրախացավ վըր մեզիկ, իմ ասքրին ամենուն մեկ-մեկ նշան էտուր, ինձ էլ մեկ փոճ էտուր. նոր հետ դարձանք, էկանք մեր տներ:

Էկանք մեր տներ, չոքմ ծուն դրեր էր. գեղին որ մոտեցա, քյանի կիրիշկիմ, Չիչակ խանըմ ոչ դումն ա, ոչ տանիս: Մեկ էլ տեսա որ մերս դուս էկավ տներն, խարցեցի թե. - Մերիկ, հո՞ւր ա, Չիչակ:

- Աչքս քոռնա, - ասաց մերս, - որ դու գացիր կռիվ, Չիչակ խանըմ խոր տուն էր, էրկրեն ջուապ էկեր էր, թե. «Յաբաշտան հետ քաշվեր ա, էման էրկիր մացեր ա արապներուն, քեֆ արապներու քեֆն ա». էդ խոսք որ լսելուն պես, դու էլ տուն չէր, ծուն դրեր վըր չատրներուն. Արապու իշխան առավ ուր էլ, գնաց: Չիչակ խանըմն էլ խետ ուրենց առան գացին: Քո չատրներ մնաց ծան տակ, մարդ չկեր, որ բառներ, յոթն օր, յոթ գիշեր, մացի մինակ ծան մեջ. նոր հովըվներ էկան, բարձանք չատրներ, առանք, էկանք տուն. Չիչակ խանըմն էլ էնպես գնաց:

Արի տես, ըս անգամիս, որ տեղս մըմըռաց:

Գիշեր չը գիցա իմալ հընցավ վրես. առավոտուն հէլա վեր, իրեք խարիր ծիավոր ժողվի, խուրճիմ՝ էլ լիք օսկի լցի ճամբխու խամար, ինկյանք ճամբախն ու գացինք:

Խինգ օր որ գացի, խուրճու մեկ թայ օսկին գնաց, տեսա որ ան-օգուտ էր էսա ասքյար խըտ ընծի տանել, իրեք գոմշու դուվաթ ունիմ, ասի, որ էնպես ա, ես մինակ կերթամ: Ասքրներ հետ դարձուցի, խանչի իմ Աստված, մինակ ընկա ճամբախ, գացի: Քսան օր քշի ծինս, Արապու իշխանի քաղքին անճախ խասա: Արապու իշխան ու ուր տներցիք, ծի որ տեսան, ձիուց ցածր բերին, վերցուցին, տարան նարդյուններով վերին

քոչք, շատ ուրախութեն արեցինք. Չիչակ խանըմն հապով՝ էղա աստըվորով մեկ: Քյանիմ ավուր սորա, հէլա առա պտոտալ, կերթեք խըտ մարդերաց հօրե մեկ սար, մեկ ծոր կը պտոտի: Մնաց օր հիրիկվան վաղթն էր, թուրը թևա հէլա գացի չարշուն, մեկ ջոջ երևելի թուճարմ կեր էնտեղ, գացի մստա էնոր կուշտ դուքան, մեկ ձեռսի վըր թրին, մեկ ձեռս էլ ջղարա կը քաշի: Մեկեւ էն տեսա որ գոռում-գոչում ինկյալ քաղքի մեջ. «Չայ Կոլոտ բեկն էկաւ, հայ Կոլոտ բեկն էկաւ»: որ կը փախեր, գլոխ կառներ դուքնի դրընդին, փափախ կ'իմկներ, որ սուլի մեկ թայ կը խագեր, մեկեւ թայ տեղ կը թողեր փախեր, որ դուքնի դուռ փակեց, որ անփակ թորկեց փախաւ, հեմալ օրոտումըմ՝ ինկյալ քաղքի մեջ, որ մեր մանուկ ուրացաւ:

խարցուցի. - Ջանըմ, էս ի՞նչ բան ա, դու հեմալ կը փախիք:

էդ փախնողներուց մեկ ընծի ջուապ չէտուր, մոր թուճար վերցեց, ասեց. - էդի Կոլոտ բեկն ա, կուգա, յոթ գմշու դուվաթ ունի, հինքն էլ զրեհ ա խագուկ, սիլահ, թուր, թվանք, քյար չէներ էնոր:

Մեկեւ իրիշկեցի, տեսա որ Կոլոտ բեկ էն դեխեն էկաւ. հինք օղորթ կոլոտիկ էր, ապա էդոր ճակտի լենութեն էրկու թիգ կեր, խինք թիգ էլ էդոր թիկունքի լենութեն: Դուքներ հա թալմելով՝ էկաւ չուրի իմ մոտ. բարև էտուր ձիկ, ասաց. - Չուսեփ բեկ, հե՞ք կերթաս:

Ասի. - Աստված հաջողա էրկուշաքթի պտի էրթամ:

- Թե որ կերթաս, - ասաց, - բիլա ձիկ չէրթաս, ընչի որ մարդ չկա քո խետ, ես գամ, քե, քո կնիկ ընցուցեմ Արապի սինոռից, ես հետ դառնամ, դուք գացեք, մեկ աղեկութեն էլ ես թ'ենեմ խըտ ձեզիկ:

Ես էլ ասի. - Բարի, խագար բարի:

Կոլոտ բեկ թողեց գնաց:

Չեն խասաւ Արապու իշխանին, թի. «Չուսեփ բեկն, Կոլոտ բեկ խըտ հիրար զրուցին, որ Կոլոտ բեկ խըտ հուրանց կերթա ճամբխու դնելու»:

Արապու իշխան կանչեց ձիկ, ասաց. - Աստված քո տուն ավերա, քո ձեռնով քո տուն քակեցիր, Չիչակ խանըմ քո ձեռնեն խանեցիր, հէլի՛ր, ա՛ն Չիչակ խանըմ, որ փախիս պրծիս:

- Ջանըմ, - ասեցի, - մի ծիծաղեք վըր ձի, Կոլոտ բեկն ի՞նչ ա, որ իզնե առնի Չիչակ-խանըմ, էնոր մեկ դրափ դուրպան կանեն:

էդ որ ասեցի, Արապու իշխան ծըծղաց վըր ձի. - Չե՛յ, ախմախ, - ասաց, - խարիիր խագար քե պես մարդ չի կանար վըր էնոր, դո՛ւ պտի կարաս, հէ՛լ, փախիր քյանի աչքերդի չոր ա, իրեք օր կա ձեր դավըլ, իրեք ավուր մեջ կը փախիս, պրծիս:

Արապու իշխանի խնսին լսեցի, քաշեց իրեք խատ արապստան քյահել դուս. մեկ ես խեծա, մեկ Չիչակ խանըմ, մեկն էլ մեր բարխանեն բարձինք, բարևանք ու քշեցինք:

Իրեք օր, իրեք գիշեր, իրեք ցերեկ քշեցինք, մեկ տեղ չը դադրանք. վերջինք էր, խասանք մեկ հաղբրին վրեն: Չիչակ խանըմին ասեցի. - Խոզիս հէլնի էսա իրեք օր՝ գիշեր-ցերեկ կը քշենք. դու կնիկ զավակ ես, չես կանար դեմ տար քնու, հիջնինք վըր էսա հաղբրին. չայմ շինեմ, խմա, զլոխդի դիր վըր իմ չոքին, փշուժ քնիր, նոր հէլինք էրթանք:

- Ականջ մ' ինե, - ասեց Չիչակ խանըմ, - քշա, որ պրծինք շուճ Կոլոտ բեկից:

Մեզեցի, տեսա, որ էդոր խոսք աղեկ էր, մենք էլի քշեցինք, հմա ինչ անեմ որ հա՛ Չիչակ խանըմի աչք հետևն ա: Մեկ էլ բիրտան ծիկ վերուց ասաց. - Տնավեր չէղած, մեկ իրիշկա՛ հետևդ, վալլահի՛ Կոլոտ բեկն էկավ:

Ես էլ դարձա հետևա իրիշկի, տեսա՝ օղորթ որ փոթորկի պես Կոլոտ բեկ կուգա:

Խասավ, ձեռ զարկեց իմ զանգվին, բարև էտուր, ասաց. - Չե՛յ, բերախտ, ընչի՞ քո խոսքի տեր չէղար, դու ասիր էրկուշաբթի պտի էրթամ, ըպա էրկուշաբթի հէսօր ա, հորի՞ կը փախիս:

Ես վերցի, ասի. - Բան չկա, քշա՛ էրթանք:

Չինք ինկյնվ մեր հառեց, կէրթա, մենք էլ հետևանք. հմա ինչ էնեմ, որ մեր ձիանք չեն խասնիր էնոր:

Քիչմ ճամբախ գացինք, մեզեցի, ասի. «Ջանը՛մ, էսա մեկ ոչինչ մարդ ա. էնոր ախ ինկեր ա վըր մեզի, վալլա, էսօր մեկ դրբի կը սպանեն»:

Կիրիշկեմ, տեսնեմ որ Չիչակ խանըմի աչքերուց էլ մեկ դեխացեն չըռկի պես արցունք կը թափի. կրակ լցվավ վըր ջանիս, խանչի իմ Աստված, գողտուկ հետևանք խասա Կոլոտ բեկին, մեկ թոփուզ զարկի էդոր զխուն, թոփի մի ձեն էտուր, օղն կտրավ, օղ մնաց իմ ձեռ, թոփուզ բանձրցավ, ինկյնվ գետին:

Կոլոտ բեկ ըսկի ուր վրեն մալ չէրաց, ասեց. - Քշա՛, Չուսե՛փի բեկ, խանագի վաղթ չէ:

Ես ծիկ մեզեցի, զարմացա. «Չե՛յ վախ, - ասեցի, - որ էսիկ իմ թոփուզով չը մեռավ, էլ բանով չը մեռի»:

Փշուժ տեղ էլ քշեցինք, ասեցի. «Վալլա՛, իմ թուրն էլ վըր էդոր պտի ջըռքեմ. տեսնանք ի՞նչ կուգա դուս»:

Քշեցի վրեն, գողտուկ հետևանք մեկ թուր էլ զարկեցի մըջ զխուն. էլմը ասեց. - Քշա՛, ջանըմ, խանագի վաղթ չէ:

Մեկ փշուր էլի քշեցինք, ես մացի մեկ մզրաղ, մզրաղն էլ հետևանց զանեցի, էլըմ քյար չարեց, մզրաղ կոտրավ:

Նոր Կոլոտ բեկ հետ դարձավ վըր ծիկ. - Չ՞է, - ասաց, - ես քե կասեմ՝ խանագի վաղթ չէ, կանի՛, տես, խանագն էսպե՛ս կանեն:

Ձեռ թալեց իմ փողպատ, ծիուց քաշեց ցածր, մեկ գոմբ զարկեց իմ պուպուճկին, իրեք օր մեռուկ մացի գետին, մեկ ատամ ասես մնա՛ց իմ բերան, չը մնաց:

Կոլոտ բեկ առավ Չիչակ խանըմ, իրեք ծին հուր խետ՝ գնաց:

Իրեք օրեն սորա խելք էկավ գլոխս, հէլա մստա, փշում լացի Չիչակ խանըմն հապով, նոր դարձա, գացի Արապու իշխանի տուն: Չիկ որ տեսան, քոշքից վազեցին, էկան իմ հառեք:

- Տեսա՞ր, - ասեցին, - մեր խոսքն իմալ էկավ գլոխ, դե հէլ երթանք վերին օթաղ, բան չկա, էլմը դու մեր փեսեն ես, մեր աչքն ես, չէղավ, քե ուրիշ ընտիր աղջիկ կուզենք:

- Չէղի՛ր, - ասի, - էն Աստված շիատ էղի, յան պտի ես մեռնեմ, յան պտի Կոլոտ բեկն սպանեմ Չիչակ խանըմից իմ խասրաթն խանեմ, չուրի հորն մեռնելուն:

- Անխելք մ'էղիր, - ասեցին, - դու Կոլոտ բեկին չե՛ս կանար սպաներ:

Ականջ չարեցի էդոնց, գացի չարսուն, էրկու խիտր ասեղ առա. գացի թուր շինողի մոտ, տվի մեկ թուր շինել:

Իրեք օր որ թմավ, տըսնվխինգ օսկի տվի թրի շինելեն, թուրս առա, զարկի դաստեմ պողպաթի, պանրի պես կտրեց: Ուրախցա, առեցի ու գացի: Ինկյա չարսուն մեկ բալատ ուզեցի, որ Կոլոտ բեկի տեղն ծիկ նշանց տա. ինչ մարդու ասեցի, հախու չէկան. սորա ճանկմ օսկի տվի, մեկ աղքատ մարդմ գտա:

Էդ մարդ ընկյավ իմ հառեք, գացինք, որ մոտեցանք Կոլոտ բեկի քոշքին, որ մեկ մեշի մեջ էր, վահիտ մինակ. մարդն ծիկ նշանց էտուր ու խըտ կրնկին հետ դարձավ. ես էլ կանչեցի իմ Աստված, յավաշ-յավաշ գացի:

Աստված հեմալ կամեցավ, որ մութ կոխեց, անծրե բռնեց գալ, մարդ-մարդու էլ չէր տեսներ. մեշի մըջեն ճրագի լուսմ բռնեցի, գացի խասա քոշք, նարտիվներով վեր հէլա, գացի դռան դիմին իրիշկեցի, որ Կոլոտ բեկ թիկներ ա վըր բարձին, Չիչակ խանըմն էլ մեկ յան. Կոլոտ բեկի էրկու աղբեր ցածր մստած են,խերն էլ մեկ յան մստեր ա, մեկ օխչար սաղ զանած շիշ, դրած վըր բուխերկի կրակին, Կոլոտ բեկի աղբերն ա, շըշի ծեր բռներ ա, կը պտոտցա: Կոլոտ բեկն էլ բութուկա էրաղ դրե հառեք, մեկ թարաֆեն կը խմա, մեկ թարաֆեն էլ լըփ կը զանի օխչրի մսի մեջ.

կամնի, սաղ-սաղ կը դնա բերան: Ես էդ բաներ որ տեսա, մըզմըզդուն ինկյալ իմ ջիկըրներ, խանջի իմ Աստված, որ մեկ էլ խասիմ իմ Չիչակ խանըմին:

Փշում մնաց, Կոլոտ բեկն ասեց ուր աղբոր. - Յէ՛լ դուս, իրիշկա, տես, պարզե՞ր ս, որ առավոտուն էրթամ չարսուն, էլմը թալան էնեն, բերեն:

Աղբեր հէլալ դուս, ասի. «Իմ թուր մեկ ջըռպեն, տեսնեն, կը կտրա՞, չէ չի կտրա»:

Մոտեցա, հետեանց մեկ թուր էդոր զարկի, ոչ ա՛խ, ոչ օ՛ֆ՝ պանրի պես կտրեց, էրաց էրկու կտոր, մեկ կտոր էնդեխ ինկյալ, մեկ՝ ենդեխ: Կոլոտ բեկ տեսալ, որ աղբեր հազընցալ, էն մեկել աղբերն հողորկեց, էն էլ էնոր պես սպանի:

Էսադիր խրամայեց ուր խոր, խերն էլ էկալ, էն էլ էնոնց պես սպանի. թուրսի սրբի, առա ձեռսի, մոտեցա դռան, տեսա, ի՞նչ տեսնեն, Կոլոտ բեկ էրադ թունդ բռնեց, ինկյալ քուն, դուռ բացի, մտա նեքսն:

Չիչակ խանըմ որ աչքն առալ ձիկ, հինք թալեց վըր իմ օտաց, ասաց. - Տնավե՛ր չէղած, էսոր աղբրտիք մկա հիմցան էկան, կը դնեն քե բուխերկի կրակի մեջ, կը վառեն:

- Չիչա՛կ ջան, մի վախենար, - ասեցի, - իրեքն էլ սպաներ են, մեկ մացեր ա Կոլոտ բեկ, կանաս, մեկ ճարմ էրա ընծիկ:

- Կայնի, - ասաց, - Աստված ողորմած ա:

Ես կայնա մութ, Չիչակ խանըմ քնուկ տեղ մոտեցալ Կոլոտ բեկին, գլոխ մաժելով, ճակատ մաժելով, ձեռ բերեց դոշի զըրխի չարփասքներ հարծկեց, մաժելով քուն քաշեց Կոլոտ բեկին. վազալ էկալ իմ մոտ, յավաշմ գացի, թուր քաշի, դրի վըր դոշին, մեկ գլոխ հինք, մեկ ես՝ ճխտեցինք, կտրեց էրաց էրկու տապակ, էդի թըխտըպաց ու դիպալ ընծիկ, էրկու կողս կտորալ: Կոլոտ բեկի գլոխ կտրի, առա Չիչակ խանըմ, գիշերով հէլա էկա:

Կոլոտ բեկի գլոխ որ ձեռս տեսան, Արապու իշխան յուր իշխաններով, քաղաք հմեն հէլան իմ հառեջ, ընծիկ շատ պատիվներ արեցին, էրկու բռն փարա էկալ ձիկ հատիա:

Յիրկուն որ էղալ, Չիչակ խանըմ ձիկ ասաց. - Ըպա, տնավե՛ր չէղած, ես Կոլոտ բեկից տղով են մացե:

«Յե՛յ վախ, - ասի, - սիրտս մեկ քիչ պաղալ Չիչակից»:

Մեկ ամսուց սորա, առա Չիչակ խանըմ, էկա մեր էրկիր:

Ին ամիս որ թըմըմալ, Չիչակ խանըմ պարկալ, տղեն էրեր. ինչ ղըդար ձիկ ջոջվոր կեր, էկան ձիկ աչքալուսեք:

Տղեն օրե օր կը քոջներ. եղավ տըսվերկու տարեկան, հըմալ եղավ որ եղոր ղուվաթին, եղոր կտրճութենեն աշխարհի հըմեն զարմացավ: Ինչ մարդու որ ծեռ տեր, ծեռ կը պրծցներ, ականջին տեր՝ ականջ, գլխուն տեր՝ գլխի կը պրծցներ. օր չկեր որ գանգատավոր չիգեր իմ դուռ, չասեր, թի «Յուսեփ բեկ, Ասուն բախշա, տղիդ խրատմ տուր»:

Ես որ խրատ կուտի, կամ զանի, Չիչակ խանըմ կուլեր թի՝ «Յուրնից չէ, էն հապով կը զանի»: Ես էլ Չիչակի սիրու հապով՝ ինչ որ էներ, չի կանի ծեն էնի:

Մնաց որ գանգատ գնաց Շահ-Յազկերտի մոտ, թի՝ «Յուսեփ բեկին տղեմ կա. երկիր երկրով ծեռ կուլան»:

Շահ-Յազկերտ դրեց վըր ծի. թի՝ «Յա տղիդ խրատմ տուր, յա իմ երկրից հէլի, ուրիշ մարդ դնեմ քո տեղ»:

Թուղթ խասավ ծի, ապա ի՞նչ էներ, որ իմ կնկա խաթրին չեմ կանար բանմ՝ ասեմ տղին, շիվար եղա, մացի:

Աստըծով իմ աներոջ թուղթն էլ էն սըհաթին էկավ, թի՝ «Ի՛նչ կէնես, երկու խատ ասլան փայդա եղած են մեր սար. ո՛չ մարդ, ո՛չ անասուն չի կանա էդ սարեր պտոտա, կանաս, արի մեկ իլաճմ էներն»:

Շահ-Յազկերտի թուղթ պախի, էդ թուղթ տղից գողտուկ տարա Չիչակ խանըմի մոտ ասի. - Իզին տուր քո տղին, էրթանք, բալթիմ ասլաներ սպանենք, քո խեր նեղութենից ազատենք:

Չիչակ խանըմ իզին էտուր, առա տղեն գացի:

Գացինք, խասանք Արաբստան, հիջանք իմ աներոջ՝ Արապու իշխանի տուն, կեր ու խումից սորա, ես ու Արապու իշխան հէլանք դուս, գողտուկ տեղ հիմցում տվի, որ տղեն հիզնե չէ, Կուլտ բեկից ա, էս դղար էլ զանգավոր կա վրեն, կուզեմ, որ էսիկ կորուսեմ:

Արապու իշխան միացավ խըտ իմ խոսքին. խանչեցինք տղին, ասինք. - Որդի, մեզիկ պաղ ջուր խարկավոր է. էտ սարի գլխու հաղբուր կը տեսնաս, որ կանանչ ա, առ էսա գավ, տար էն հաղբրից պաղ ջուր բեր, որ խմենք:

Տղեն հեծավ ծին, գնաց. գնաց հաղբուր, կզվավ որ ջուր լցա, մաղազից երկու ասլան դուս հէլան, մեկ էն դեխեն, մեկ էն դեխեն, հասան վըր տղին. էդիկ ըսկի չը վախեցավ, մեկ ծեռ թալեց մեկի գլխի, մեկ ծեռ թալեց մեկի գլխի, գլխներ զանեց հիրարու, երկսի գլխի ջնջխվան, փակվան հիրար, շրտով կապեց, թալեց վըր ծիուն, մեկ էն յան, մեկ էն յան, ինքն էլ գավ լցեց ջուր, խեծավ ծին, առավ էկավ:

Էդ որ տեսանք, շատ զարմացանք էդոր կտրճութենին:

«Չա՛յ, հա՛յ, - ասեցինք, - եղ յոթ դաթ հընցուց Կոլոտ բեկին»։ Էդ տեղեն տղի անուն մնաց Կոլոտիկ բեկ։

Տեսա որ եղ տեղն էլ բանմ չէղավ, առա Կոլոտիկ բեկ, մեկ օխչրի ջանդակ էլ վերցրի խետս, էկանք։ Մեր ճամբախ ինկյավ մեկ մեշիմ մեջ, չորս օր մեշի մեջ գացինք, հիրկուն էղավ, չատր զանեցինք, կրակ վառեցինք։

- Տղա՛, Կոլոտիկ, - ասեցի, - օխչրի մեկ ոտ բռնա կրակին, էփենք, ուտենք։

Կոլոտ ձեռ թալեց օխչրի մեկ ոտ պրծըցեց, դրեց կրակին, մեկ էլ տեսանք, որ մեշի մեջեն մարդակերպ-այլակերպ բան մի, փետեր կոտրտելով, ջարդողելով էկավ. խասավ, ձեռ թալեց, Կոլոտիկի ձեռնեն օխչրի բուտ փախուց ու աներևութե էղավ։ Կոլոտիկ շիվարավ, ծիկ խարցուց, - խերիկ, էս ի՞նչ էր, որ միս փախուց։

- Որդիս, - ասեցի, - էս ի՞նչ գիտեմ, գազան էր, ի՛նչ ջանավար էր։

- Դե կայնի, խերիկ, թե մեկ էլ էկավ, էս գիտեմ՝ էնիկ։

Կոլոտիկ օխչրի մեկ բուտն էլ կտրեց, դրեց կրակին, հըմա էնոր աչք մնաց դըխ մեշեն։ Բիրդան էլման փետեր կոտրտելով՝ ջարդողելով էկավ էդ այլակերպ ջանավար, խասավ, փանճեր թալեց, որ միս առներ։ Կոլոտիկ բանձրցավ, միս տփեց վըր էդոր գլխուն, էրկուս գրկըվան հիրար, առան կռիվ խըտ հիրարու. էդոնց կռվու հախուն իմ չոքեր դողաց, էս պուպուզա մեկ ծառի տակ ու վըրվըրացի։

Էդոնց ձեն ու օրոտում չուրի լուսու դեմ էկավ, չը կտրվավ։ Լուս որ բացվավ, քաշեցի թուր, ինկա էդոնց արնի դավսի խետ, գացի տեսա, որ գացած ամեկ ջոջ պալի մի տակ, էրկուսն էլ ինկյած ա՝ մեռած ա։

«Օրշնյալ ի Աստված, - ասեցի, - էրկիր պրծավ Կոլոտիկից»։

Էկա խեծա իմ ծիկ, քշեցի դըխ տուն։

Տուն որ խասա, Չիչակ խանըմ դուռն էր, աչքն առավ ծիկ, որ տեսավ Կոլոտիկ խետս չէր, խարցուց. - Չո՛ւր ա Կոլոտիկ։

Ասեցի. - Մնաց պապու տուն։

Չը խավատաց, տփեց վըր ուր գլխուն, նստավ էլաց. իրեք օր՝ գիշեր-ցերեկ էլաց, տամլա կապեց, մեռավ Չիչակ խանըմ։

Ես որ եղ տեսա, Չիչակ խանըմի գերեզմնի սիրուն, թուպա էրեցի, որ էլ աստըվոր չը մտնեմ, հէլա իմ տուն ու տեղ, ինչ որ կեր-չկեր, հմեն ցրվեցի աղքտներուն, մեկ էսա ջաղցի գին վերցի, էսա ջաղաց խերաթլամա շիքեցի, չուրի հօրն մեռնելուն՝ ցամաք խաց պտի ուտեմ։

- Որդի՛, ես ա իմ դարդն, որ ես քեզի խղսա արեցի, կը տեսնաս, որ մեկ ատամ էլ բերանս չկա: Դե, հէ՛լ, բռնդ բարձ, ել գնա: Աստված քո խեւտ, խազար բարի էկար:

Մարդն հէլավ, բռն բարձեց, տվեց եզն հառեջ ու մեզելեն էկավ:

Ջադջըպնի խղսից շատ զարմացք մնաց:

